

FPSK Adakan Retreat Pelan Strategik 2020

Terakhir dikemaskini: Rabu, 18 Disember 2019 17:27 | [Cetak](#) | Jumlah paparan: 273

Kongsi 0

Syorkan 0

Kongsi

Tweet

Share



SELASA, 17 DISEMBER - Seramai 25 peserta terdiri daripada Dekan, Timbalan Dekan, Ketua Jabatan, dan Pegawai Pengurusan dan Profesional Fakulti Perubatan dan Sains Kesihatan (FPSK) telah mengikuti retreat Pelan Strategik Tahun 2020 anjuran fakulti itu bertempat di Mesilou, Kundasang, baru-baru ini.

Menurut Dekan FPSK, Prof. Dr. Mohammad Saffree

Jeffree, retreat tersebut dianjurkan agar dapat memacu FPSK untuk lebih kompeten dan berdaya saing pada tahun seterusnya.

“Selain itu, retreat ini diadakan untuk menekankan kepentingan mengamalkan budaya integriti dalam kalangan kakitangan yang dapat membantu UMS mencapai kecemerlangan dan keunggulan sejajar dengan hasrat Naib Canselor UMS ke arah Universiti Rahmah,” ujarnya.

Sementara itu, menurut Timbalan Pendaftar FPSK, Hasmi Hashim berkata retreat yang diadakan selama dua hari itu diisi dengan sesi perbincangan yang padat.

“Kandungan retreat adalah seperti pembentangan Indeks Prestasi Utama yang dipadankan bersama Bidang Keberhasilan Utama UMS berserta analisis SWOT yang dibentangkan oleh semua Timbalan Dekan dan Timbalan Pendaftar FPSK, perbincangan penambahbaikan Piagam Pelanggan, Daftar Risiko serta laluan kerjaya kakitangan akademik FPSK dan lain-lain lagi,” ujarnya.

Hadir sama, mantan Naib Canselor iaitu Prof. Datuk Dr. D ko Kamarudin D Mudin, mantan Timbalan Naib Canselor Penyelidikan dan Inovasi, Prof. Dr. Shahril Yusof dan mantan Dekan FPSK, Prof. Dr. Zainal Arifin Mustafa.